

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

#### *1.1. Siunnersuummut pingaarnertut tunuliaqutaasut*

Inatsisartut Inatsisaat nr. 7, 8. juni 2014-imeersoq ullormi 1. august 2014 atuutilersimasoq aqputigalugu Radiukkut tv-kkullu aallakaatitsisarneq pillugu Inatsisartut Inatsisaata atuuttup suliarineranut atatillugu atuisunut siunnersuisoqatigiit aqputigalugit allaffissornikkut immikkoortumik pilersitsisoqarnissaa pillugu malittarisassanik ilanngussisoqarsimavoq, tassanilu KNR-ip aallakaatitassiortarnerata pitsaassutsikkut qaffaaffiginissaa siunertaasimavoq. Naallu naalakkersuinikkut suliallit akulerutinnginnissaannut tunngavik tunngavigalugu siunnersuisoqatigiit KNR-ip sulineranut sunniuteqartussaannikkaluartut siunnersuisoqatigiit inunnik 9-nik katitigaasut KNR-ip siulersuisuinut pitsaassutsikkut suleqataanissaat pingaarnertut anguniagaasimagaluarpoq. Tamannalu aqputigalugu atuisut pisariaqartitaannut tunngatillugu suliffeqarfiup sulineranut pitsaassutsimut KNR-ip qaffaaniarnissaanut siunnersuisoqatigiit ilanngussaartussaasimapput.

Atuisunut Siunnersuisoqatigiit aamma KNR-ip siulersuisuisa qaffassarnissaannut ilaasumik pilersinneqarsimapput. Pikkorinnerusunik sulisoqalernissamut eqqarsaataasumut atatillugu siulersuisuni ilaasortat 7-nit 5-nut ikilisinneqarsimapput. Peqatigitillugu atuisunut siunnersuisoqatigiit pilersinneqarput. Atuisunut Siunnersuisoqatigiit 9-nik ilaasortaqrput, taakkulu Inatsisartut Inatsisaat aqputigalugu kattuffiit soqutigisaqatigiillu toqqarneqartut arlallit inassuteqareernerisigut Naalakkersuisunit toqqarneqartarput. Taakkununga ilaatigut kattuffiit soqutigisaqatigiillu 4-mat ilaapput, taakkulu pikkorinnerusunik sulisoqalernissap anguniarnera tikillugu KNR-ip siulersuisuinut ilaasortassamik immikkut inassuteqartussaasimapput, taakkulu siulersuisunut ilaasortassanik toqqagassanik inassuteqarnissamut piginnaatitaaffitsik annaareerlugu isummaminnik siulersuisunut ingerlatitseqqinniartartussaasimapput.

Kisiannili atuisunut siunnersuisoqatigiit siunertarinqartoq malillugu sulisinnaasimannngitsut paasineqarsimavoq. Ataatsimiittarnerit killeqarsimapput, siulersuisullu aamma Atuisunut Siunnersuisoqatigiit akornanni suleqatigiinnissaaq kissaatigineqartoq aamma uppenarsarneqarsinnaasimannngilaq. Taamaattumik Atuisunut Siunnersuisoqatigiit atorunnaartariaqartut, siulersuisullu paarlattuanik assersuutigalugu atuisut oqallittarfiisigut paasisaqarsinnaalissasut KNR-mut siulersuisut oqaatigisimavaat.

Tamanna Inatsisartut inatsisaannik allannortitsinissaaq pillugu siunnersuuteqarnissamut aallaaviusimavoq, taamaasilluni Atuisunut Siunnersuisoqatigiit pillugit malittarisassat

atorunnaarsimallutik. Peqatigitillugu aallakaatitassioartarnek pillugu KNR-ip innuttaasunik oqaloqateqartarnera pillugu aalajangersagaq soqutigisallit attuumassutillit aamma ilanngullugit annertusineqassasoq siunnersuutigineqarpoq.

Ilanngullugu siunnersuut KNR-tv-mi pilerisaarutit 2-k naalackersuinikkut isummanik ilallit inatsisitigut unioqquutisisuunnginnerannut suliamut 2021-mi aasakkut pisimasumut attuumassuteqarpoq, taannalu Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 8, 5. juli 2006-imeersumi (pilerisaarisarnermut nalunaarut) § 17, imm. 2-mut atuuttumut attuumassuteqarsimavoq. Tv-kkut upperisarsiornikkut naalackersuinikkulluunniit isummanut pilerisaarisooqarsinnaanngitsoq aalajangersakkami takuneqarsinnaasimavoq.

Naalackersuinikkut upperisarsiornikkullu isummat tv-mi siuarsaaffigineqarsinnaannginnissaat aalajangersakkap kingunerivaa. Aalajangersakkami aningaasarsiornikkut equsoortoqannginnissaanut tamat oqartussaaqataanerisigut aalajangeeriaaseq aammalu naalackersuinikkut oqallinnerit tamallu oqallinnerat illersornissaat siunertaasimavoq. Inerteqquteqartitsinerup taamaallaat tv-mi pilerisaarisarnermuinnaq tunngassuteqarnera innuttaasut nalilersuisinnaanerannut immikkut sunniuteqarluni tv-ip qitiulluni naalagaaniarfiullunilu ingerlanneranut atasutut isigineqassaaq, tassami tv-kkut tusagassiorfik amerlanertigut nutaarsiassalerinermi arlaannut attuumassuteqanngitsutut kinaassusersiunngitsutullu sanillersuunneqartarmat.

Tamatuma saniatigut aalajangersagaq naalackersuinikkut isummat ilaat soqutigisalinnit aningaasarsiornikkut naalackersuinikkullu inissisimalluartunik annertuumillu pilerisaarinissamut missingersuutilinnit aningaasalersorneqarsinnaanerit tunngavigalugu isigineqassaaq. Tv-kkut tusagassiorneq taamaasilluni soqutigisallit aningaasarsiornikkut nukissallit naalackersuinikkut oqallinnernut akulerutsillugit ingerlatsiviulersinnaavoq. Tamanna aamma qinersisoqarnerani inernermut sunniuteqarsinnaasutut nalilerneqarpoq, tassa soqutigisallit pineqartut isummaminnik qineqqusaarnermi partiinut aalajangersimasunut avitseqarniarlutik pilerisaarilersinnaammata. Pilerisaarinermut suliniutit taamaattut tamat oqartussaanerannut ajornartorsiutaalissapput, tassami naalackersuinikkut isummat nukittunerpaat nukissanik amerlanerpaanik tunuliaqutallit maluginiarneqarnissamut eqqaaneqarnissamullu tunngatillugu malunnarnerusumik iluaquserneqarsinnaassammata.

Ombudsmandi suliamut pineqartumut atatillugu oqarsimavoq pilerisaarisarnermut nalunaarutip 2006-imeersup atuuttup atortuulersinnerani radiokkut tv-kullu sulineq pillugu inatsisartut peqqussutaanni taamanikkut atuuttumi pilerisaarinermut naalackersuinikkullu isummanut tv-mi inerteqquteqartitsinissamut malittarisassamik naammattumik qularnaatsumillu inatsisitigut tunngavissaqarsimanngitsoq. Tamanna aamma atuuppoq radiokkut tv-kullu sulineq pillugu Inatsisartut inatsisaannut atuuttumut tunngatillugu. Taamaasilluni pilerisaarinermut nalunaarummik taamanikkut Naalackersuisuusut 2006-imi atortussanngortitsimmatali pilerisaarinermut nalunaarummi § 17, imm. 2-p aalajangersaaffiginissaanut inatsisitigut tunngavissaqarsimanngilaq. Aalajangersagaq aamma

Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 3, 25. januar 1991-imeersumi § 11, imm. 1-imiittumik ingerlatitseqqinneruvoq.

Ombudsmandip ilaatigut erseqqissaatigivaa naalackersuinikkut isummanik pilerisaarinernut inerteqquteqartitsineq inatsisitigut ersarissumik qularnaatsumillu tunngaveqarnissaa pisariaqartoq kiisalu radiumut tv-mullu inatsimmi § 47 inatsisitigut tunngavissamik taamaattumik ersarissumik qularnaatsumillu imaqaangitsoq. Taamaammat Ombudsmandip isumaa tunngavigalugu pilerisaarinermut nalunaarummi § 17, imm. 2 pineqartoq apeqqutaatinnagu naalackersuinikkut isummanut pilerisaarutinik aallakaatitsinernut inerteqquteqartitsisoqaangilaq, soorluttaaq upperisarsiornikkut isummanut tamanna atuuttariaqarluni.

Tassunga atatillugu malugineqassaaq Inatsisartut taamanikkut Radiukkut tv-kkullu aallakaatitassiorarneq pillugu Inatsisartut peqqussutaanni nr. 3, 17. maj 1990-imeersumi § 26, imm. 2 aqputigalugu inatsimmi immi allassimasumi aalajangersakkamik taamaattumik siusinnerusukkut aalajangersaanikuusimmata. Taamaakkaluartoq Radiukkut tv-kkullu aallakaatitassiorarneq pillugu Inatsisartut peqqussutaata nr. 6, 14. november 2004-meersup akuersissutigineranut atatillugu aalajangersagaq inatsimmi allassimasuni ingerlateqqinneqarsimanngilaq, kisiannili ullormi 1. januar 2005 atortuulersinneranut atatillugu Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 3, 25. januarimeersumi ingerlateqqinneqarsimalluni.

Tassunga atatillugu nalunaarummi tassani § 11, imm. 1-imi takuneqarsinnaalersimavoq isiginnaarutikkut upperisarsiornikkut naalackersuinikkulluunniit isummanut pilerisaarisooqaqqusaangitsoq. Aalajangersagarlu taannaasimavoq nalunaarummi atuuttumi 2006-imi atortuulersinneqartumi ingerlateqqinneqarsimasoq.

Ombudsmandip oqaaseqaataata kingunerisaanik Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaata allanngortinnissaa pillugu Namminersorlutik Oqartussat nalunaarutaat nr. 37, 6. august 2021-meersoq aqputigalugu Naalackersuisut allannguutissatut nalunaarummik atortussanngortitsippat, tassanilu § 17, imm. 2 atorunnaarpoq. Tassunga atatillugu isummersuutit Radiukkut tv-kkullu aallakaatitassiorarneq pillugu Inatsisartut inatsisaata allanngortinnerani aalajangersakkap paarlattuanik ingerlateqqinnissaanut apeqqummut attuumassuteqarput.

### *1.2. Inatsisiliornissami pingaarnersiukkat*

Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfiup KNR-imik ataatsimeeqateqartarneranut atatillugu atuisunut siunnersuisoqatigiit sulineranut tunngatillugu, tassungalu atatillugu atuisut isumaat

assigiinngisitaartut oqaloqatigiissutigineq ajornerannut pissarsiffiusumillu ilisaritittarnissaannut amigaateqarnerit pillugit ajornartorsiutinngorsimasunut ilisimatinneqarsimavoq. Tamanna allatut iliorluni KNR-ip soqutigisalinnut attuumassutilinnut oqaloqateqartarnissaata qulakkeernissaanut pisussaaffiliinissamut isummersuutinik massakkut aallartitsiffiusimavoq.

Ilanngullugu upperisarsiornikkut naalackersuinikkullu isummat pilerisaarutigisarnerannut inerteqquteqartitsineq pillugu aalajangersagaq Naalackersuisut Ombudsmandip allaffissornikkut aalajangersarneqarluni aalajangersakkap atorsinnaannginneranut oqaaseqarnera tusaatissatut tigumammassuk oqaatigineqassaaq.

### *1.3. Siunnersuut ataatsimut isigalugu*

Atuisunut siunnersuisoqatigiit pillugit aalajangersakkat KNR-ip innuttaasunuinnaanngitsoq, kisiannili aamma aallakaatitassiortarneq pillugu soqutigisalinnut attuumassutilinnut oqaloqateqartarnissap qulakkeernissaa pillugu pisussaaffimmik taarserneqassasoq siunnersuutigineqarpoq. Soqutigisalinnik attuumassutilinnik oqaloqateqartarneq taamaasilluni aallakaatitassiortarneq pillugu innuttaasunik oqaloqateqartarneq pillugu aalajangersakkamut atuuttumut (§ 26) tunngatillugu nutaajuvoq. Peqatigitillugu oqaloqateqartarnermi sunarpiaq pineqartassanersoq aalajangersakkami aalajangersarneqarpoq, tassalu pisussaaffinnik inatsisitigut aalajangersakkanik aalajangersimasunik KNR-ip eqqortitsisarnissaa.

§ 26-ip nutaamik oqaasertalerneratigut KNR-ip qaqugukkulluunniit innuttaasunut soqutigisalinnullu attuumassutilinnut paasisaqarnissamut oqaloqateqarnissamullu periarfissaqalernissaa qulakkeerneqassaaq.

Tv-kkut upperisarsiornikkut naalackersuinikkullu isiginnittariaatsinut pilerisaarisarnernut inerteqquteqartitsinissaaq inatsimmi allanneqartuni ilanngunneqassasoq ilanngullugu siunnersuutigineqarpoq. Tamanna taamaasilluni allaffissornikkut aalajangersarneqarluni aalajangersakkamut 2021-mi atorunnaartumut taartitut atorneqassaaq.

## **2. Siunnersuummi immikkoortut pingaarnertit**

### *2.1. Inatsisit atuuttut*

Inatsisit atuuttut Radiukkut tv-kkullu aallakaatitsisarneq pillugu Inatsisartut Inatsisaanni nr. 7, 8. juni 2014-imeersumiippat. Inatsisartut inatsisaat radiumi tv-milu sulinerup iluani malittarisassanik nalinginnaasunik, KNR-imullu tunngatillugu suliffeqarfimmut malittarisassanik imaqarpoq. Inatsisartut inatsisaanni kapitali 4-mi KNR-imi siunertat suliassallu pillugit aalajangersakkat aalajangersarneqarput. Tassani KNR-i aallakaatitassiortarneq pillugu innuttaasunik oqaloqateqartarnissamik qulakkeerinnissasoq pillugu § 26 aalajangersakkatut ilanngunneqarpoq.

Inatsisartut inatsisaanni oqaloqateqarnerit qanoq isilluni qulakkeerneqarnissaat pillugit piunasaqaammik aalajangersaasoqarsimanngitsoq aalajangersakkanut nassuiaatini atuarneqarsinnaavoq, KNR-illu taamaasilluni qanoq periuseqassanerluni nammineerluni toqqarsinnaavaa. Assersuutigalugu tassaasinnaapput naalaartartut isiginnaartartullu isumaannik paasiniaanerit, immersorlugit akissat atorlugit paasiniaanerit imaluunniit internetikkut akioriinnerit imaluunniit allat. Tamatuma saniatigut aalajangersakkamut nassuiaatini erseqqissarneqarpoq Atuisunut Siunnersuisoqatigiit § 33-mi taaneqartut taamatut oqaloqateqartarnissap anguniarnissaanut atortussatut isigineqarsinnaasut.

Atuisunut Siunnersuisoqatigiinnut tunngatillugu KNR-ip aallakaatitassiortarnermini qanoq isilluni pitsaanerpaamik KNR-imut siunertaliunneqartut suliakkiunneqartullu inatsimmi aalajangersagaasut isumaginissaannut KNR-imi siulersuisut siunnersornissaat siunertaralugu Naalakkersuisut Atuisunut Siunnersuisoqatigiinnik pilersitsissasut Inatsisartut inatsisaanni § 33, imm. 1-imi aalajangersagaavoq. Atuisunut Siunnersuisoqatigiit ukiut sisamakkaarlugit pilersinneqartarpoq, siullermik piffissami 1. august 2014 - 31. december 2018. Tassunga atatillugu aalajangersakkatigut paasinarsivoq atuisunut siunnersuisoqatigiit massakut atuuffiat ullormi 31. december 2022 naassasoq. Massakut atuuffiup naanerata kinguinngua Atuisunut Siunnersuisoqatigiit pillugit aalajangersakkap atorunnaarnissaata atuutilernissaa tulluurtut isigineqarsimavoq. Taamaammatt inatsimmut allannguut ullormi 1. januar 2023 atuutilissasoq siunnersuutigineqarpoq.

Atuisunut Siunnersuisoqatigiit pillugit § 33-mi nassuiaatini ilaatigut erseqqissarneqarpoq ilisimasat soqutigisallit inassutigineqartut pigisassaattut ilimagineqartut ilisaritittarnissaat siunertaralugu siunnersuisoqatigiit katitigaassasut. Soqutigisallillu aalajangersakkami taaneqartut tamarmik suliasat inatsimmi §§ 20-27 naapertorlugit KNR-p isumaginissaannut pisussaaffigisaanut imaritinneqartunut immikkut ilisimasaqarnissaat soqutigisaqarnissaallu ilimagineqartoq ilanngullugu erseqqissarneqarpoq.

Tassungalu atatillugu assersuutitut § 20, imm. 7-imut nassuiaatit innersuussutigineqassapput, tassalu KNR aallakaatitassianik meeqqanut inuusuttunullu sammititanik neqeroortassasoq, § 24-mullu tunngatillugu KNR kalaallisut oqaatsit pigiinnarnissaannut ineriartortitsiffiunissaannullu tapeeqataassasoq. Taamatuttaaq § 20, imm. 6-imut nassuiaatinut innersuussuteqartoqarpoq, tassalu aallakaatitassiortarnerneq eqqumiitsuliornerup kulturillu aallakaatitassiarineranni suut pineqarnerisut takutinneqartassasut kiisalu kalaallini inuiaqatigiinni kulturikkut soqutigisat amerlassusaat takutinneqartassasut. Tamatuma saniatigut KNR-ip § 20, imm. 8 malillugu anguniassavaa inuit innarluutillit aallakaatitagit neqeroorutitut malinnaalerulernissaat kiisalu KNR-ip Kalaallit Nunaanni radioqarfiit tv-qarfiillu allat aallakaatitassiaat ikinnerpaaffilerlugit aallakaatitassagai, takuuk § 28, imm. 1, nr. 4.

Tamatuma saniatigut Atuisunut Siunnersuisoqatigiit taamaallaat siunnersuisarnikkut pisussaaffeqartut, taamaasillutillu ilitsersuisarnissamut arlaatigut pisussaaffeqanngitsut imaluunniit allatut siulersuisut aalajangiisarneritut akulerussinnaanngitsut imaluunniit allatut

iliorlutik toqqaannartumik suliffeqarfiup aallakaatitassiortarneranut sunniinarsinnaanngitsut § 33, imm. 1-imi atuarneqarsinnaavoq. Taaneqartut tamakku aamma suliffeqarfitsigut tunngaviliunneqartunut inatsisini KNR-ip suliffeqarfittut namminersortutut pisortanit pigineqartutut aalajangersaaffigineqarneranut atorneqarsinnaanngillat. Tamatumunnga ilaatigut naalakkersuinikkut upperisarsiornikkullu soqutigisat kiffaanngissuseqarluni tusagassiutiginnissaasa qulakkeernissaasa isiginiarnissaat pissutaavoq, tassanilu aamma suliffeqarfiit allat akulerutinngikkaluarlugit sammisassat tusagassiorfiup nammineerluni sammissallugit toqqartassagai.

Ilanngullugu imm. 2-mi Atuisunut Siunnersuisoqatigiit 9-nik ilaasortaqaassat aalajangersagaavoq, taakkulu ukunanga inassuteqartoqarneratigut Naalakkersuisunit toqqarneqassapput:

- 1) Meeqqat illersuisuat, ilaasortassamik ataatsimik innersuussisussaq.
- 2) Oqaasileriffik, ilaasortassamik ataatsimik innersuussisussaq.
- 3) Kalaallit Nunaanni eqqumiitsuliortut kulturimillu ingerlatsisut nuna tamakkerlugu kattuffiat ilaasortassamik ataatsimik innersuussisussaq.
- 4) Kalaallit Nunaanni nuna tamakkerlugu innarluutillit kattuffiat ilaasortassamik ataatsimik innersuussisussaq.
- 5) Kalaallit Nunaanni tusarnaartartut isiginnaartartullu nuna tamakkerlugu kattuffiat ilaasortassamik ataatsimik innersuussisussaq.
- 6) Radioqarfiit tv-qarfiillu nuna tamakkerlugu kattuffiat ilaasortassamik ataatsimik innersuussisussaq.
- 7) Ilisimatusarfik ilaasortassamik ataatsimik innersuussisussaq.
- 8) Nunaqarfiit Nuna Tamakkerlugu Peqatigiiffiat ilaasortassamik ataatsimik innersuussisussaq.
- 9) Kalaallit Nunaanni Utoqqaat Peqatigiiffiat ilaasortassamik ataatsimik innersuussisussaq.

Inassuteqarsinnaatitaasut imm. 2-mi taaneqartut ilaannit inassuteqarnissaq pissarsiarineqarsinnaassanngippat ilaasortassamik suliassaqarfimmi inassuteqarsinnaasup sinniisuuffigisaani atuisut soqutigisaannut soqutigisalimmik Naalakkersuisut toqqaasinnaanerit imm. 3-mi aamma aalajangersarneqarpoq.

Atuisunut Siunnersuisoqatigiinni ilaasortat Kalaallit Nunaanni najugaqartuunissaat aammalu Inatsisartunut, kommunalbestyrelsimut Folketingimullu ilaasortaanninnissat imaluunniit KNR-ip siulersuisuinut ilaasortaanninnissaat kiisalu KNR-imi imaluunniit sumiiffinni radioqarfinni tv-qarfinnilu atorfiluunnginnissaat aalajangersakkami imm. 4-mi aamma aalajangersagaavoq.

Kiisalu KNR Atuisunut Siunnersuisoqatigiinnut allattoqarnermik isumaginnittussaasoq, Naalakkersuisut ilaasortanut najugartik qimallugu siunnersuisoqatigiit ataatsimiinnissaannut peqataajartortunut ullormusiat tunniunnissaannut angalanermullu aningaasartuutit taarsernissaannut tunineqartarnek pillugu Atuisunut Siunnersuisoqatigiinnut suleriaasissaq

pillugu malittarisassanik aalajangersaasinnaanerannut aalajangersakkami imm. 5-7-mi malittarisassanik aalajangersaasoqarsimavoq.

Inatsisartut Inatsisaanni kapitali 6-imi pilerisaarisarnerit aningaasalersuisarnerillu pillugit aalajangersakkanik aalajangersaasoqarsimavoq.

Radiumi tv-milu pilerisaarutit imatut paasineqassasut § 44, imm. 1-imi aalajangersarneqarpoq:

- 1) Nioqutissanut, kiffartuussinernut suliffeqarfiillu iluanaarniarnissamik siunertaqartut kaammattuutit nersorinninnerillu, aallakaatitassiamut akiliuteqartoqarsimagaluarpalluunniit.
- 2) Aningaasarsiornikkut soqutigisaqaqatigiit pillugit ilisimatitsissutit isummanillu saqqummiussinerit, assersuutigalugu inuussutissarsiuteqartut kattuffii, sulisitsisut kattuffii sulisartullu peqatigiiffii pillugit aammalu upperisarsiornikkut paasissutissiinerit politikikkulluunniit isummiussat, peqatigiit taakkua isumaasa siuarsarneqarnissaat kaammattuutigineqarnissaallu siunertaralugit, aallakaatitassiamut akiliuteqartoqarsimagaluarpalluunniit.

Tamatuma saniatigut aalajangersakkami imm. 2-mi aalajangersagaavoq pilerisaarutit ilumut taamaattuunerat paasineqarsinnaasunngortinneqassasut, taamaalilluni imarisaat saqqummiunneqariaasiallu aallakaatitanit nalinginnaasunit allaanerunerat takuneqarsinnaassalluni,

Ilanngullugu § 45-mi pilerisaarutit annertussusissaat sumiinnissaallu pillugit malittarisassanik aalajangersaasoqarsimavoq.

Taamaasillunilu § 45, imm. 1-imi aalajangersarneqarpoq tv-mi, tekst tv eqqaassanngikkaanni, pilerisaarutit aggulullugit sivisunerpaamik minutsini 5-ni aallakaatinneqarsinnaassasut, aggulunneqartullu aallakaatitsinerit akornanni inissinneqartassasut.

KNR radiukkat taamaallaat aallakaatitat akornanni pilerisaarutit aggulullugit sivisunerpaamik minutsini 5-ni aallakaatitsisinnaasoq imm. 2-mi aalajangersagaavoq, imm. 3-milu pilerisaarutit aallakaatitat ullormut aallakaatitsiffiusup 10 procentii qaangerlugit aallakaatinneqartassanngitsut aalajangersarneqarsimalluni.

Tamatuma saniatigut § 46-mi tunisassianut immikkut ittunut, upperisarsiortunut aammalu politikikkut partiinut pilerisaarinissat pillugit malittarisassanik aalajangersaasoqarsimavoq. Aalajangersakkamut nassuiaatini atuarneqarsinnaavoq aalajangersagaq tamarmiulluni inatsisartut peqqussutaani atuuttumi § 52-imik atueqqinnerusoq, tassanilu immikkut tunisassianut, upperisarsiornikkut naalakkersuinikkullu isummanut pilerisaarisarnerit pineqarput. Nassuiaatinili erseqqissaatigineqartut apeqqutaatinnagit aalajangersakkami oqaasertaliussani aammalu Radiukkat tv-kkullu aallakaatitassiortarneq pillugu Inatsisartut

peqqussutaanni nr. 6, 14. november 2004-meersumi § 52-imi takuneqarsinnaanngilaq aalajangersakkami naalackersuinikkut upperisarsiornikkullu isummat pineqarnersut.

§ 46, imm. 1-imi aalajangersagaavoq nakorsaatinut, tupanut, immiaaqqanut, viinninut imigassanullu aalakoornartortalinnut pilerisaarisoqassanngitsoq, taamaattoq imm. 3 takuuk.

Ilanngullugu aalajangersakkami imm. 2-mi atuarneqarsinnaavoq tv-mi upperisarsiornikkut ingerlatsisunut politikikkullu partiinut, katusseqatigiinnut, kisimiillutik qinigassanngortittunut imaluunniit suleqatigiiffinnut pilerisaarisoqassanngitsoq, taamaattoq imm. 3 takuuk.

Tamatuma saniatigut imm. 1-imi aamma 2-mi inerteqquteqartitsineriit minitaqarnissaq pillugu Naalackersuisut malittarisassanik aalajangersaasinnaasut aalajangersakkami imm. 3-mi aalajangersagaavoq.

Kiisalu § 47-mi piginnaatitsissummut aalajangersakkamik ilanngussisoqarsimavoq. Tamanna tunngavigalugu Naalackersuisut aallakaatitassiornermi pilerisaarutit qanoq isillugit ilannguttarnissaannut malittarisassanik aalajangersaasinnaapput, soorlu suminngaanneersuunerat, inissinnissaat, oqaatsit imarisaallu kiisalu pilerisaarutit annertussusissaat pillugit malittarisassat. Aammattaaq tassunga atatillugu Naalackersuisut pilerisaarutit meeqqanut sammititat aamma tunisassiat meeqqanut sammititat pilerisaarutigineqartarnerat pillugit malittarisassanik aalajangersaasinnaasut oqaaseqaatip aappaani aalajangersakkani erseqqissarneqarpoq.

Radiup tv-llu iluanni pilerisaarisarnerit aningaasalersuisarnerillu aamma Radiumi tv-milu pilerisaarutit aningaasalersuisarnerillu pillugit Namminersornerullutik Oqartussat nalunaarutaanni nr. 8, 5. juli 2006-imeersumi malittarisassiorneqarput, taannalu Namminersorlulik nalunaarutaatigut nr. 37, 6. august 2021-meersutigut allanngortinneqarsimavoq.

Taamaasilluni tv-kkut upperisarsiornikkut ingerlatsisunut, politikikkut partiinut, katusseqatigiinnut, suleqatigiiffinnut aamma kisimiillutik qinigassanngortittunut pilerisaarutit aallakaatitseqqusaannginnerit pillugit nalunaarummi § 17, imm. 1-imi aalajangersaasoqarpoq, taamaattoq imm. 3 takuuk.

Imm. 3-imi aalajangersarneqartumi qineqqusaartitsinerinik taaneqartunik imm. 1-imi aamma imm. 2-mi aalajangersartuni aallakaatitsisarnerit inerteqqutaannginnerat aalajangersagaavoq, qineqqusaartitsillunilu aallakaatitsinermi ilanngussat politikikkut partiimit sananeqartut akilerneqartullu ilanngunneqarsinnaallutik. Soorlu aallarniummi taaneqareersaq tv-kkut upperisarsiornikkut naalackersuinikkulluunniit isummanut pilerisaarisoqarsinnaannginnera pillugu aalajangersakkami imm. 2 Radiumi tv-milu pilerisaarutit aningaasalersuisarnerillu pillugit Namminersornerullutik Oqartussat nalunaarutaata allanngortinneratigut

Namminersorlutik Oqartussat nalunaarutaatigut nr. 37, 6. august 2021-meersutigut atorunnaarpoq.

## 2.2. Siunnersuut

Aallakaatitassaliortarneq pillugu innuttaasunik soqutigisalinnillu attuumassutilinnik iluamik oqaloqateqartarnissap qulakkeernissaa siunnersuummi siunertarinearpoq, tamanna aqputigalugu aallakaatitassat pilersaarusiorteranni sapinngisamik innuttaasut soqutigisallillu kissaataat isiginiarneqartassammata. Tamannali KNR-ip aallakaatitanik innuttaasuni soqutigisaqartuniit amerlanerussuteqartut kissaataannik taamaallaat aallakaatitsisarnissaanik kinguneqarnaviangilaq, tassami KNR-i kiffartuussivittut atuunnermigut aallakaatitassanik innuttaasut soqutigisallilluuniit amerlanerussuteqartut kissaatiginngikkaluagaannik peqarnissamik aamma qulakkeerinnittussaammat.

§ 26-ip nutamik oqaasertalerneratigut soqutigisallit attuumassutilit oqaloqatiginerisigut ilisimasamik taamaattumik KNR-ip ingerlatitseqqittarnissaa qulakkeerneqassaaq, ilisimasallu tamakku ilisimatitsissutigisarnissaat atuisunut siunnersuisoqatigiinni siunertaasimagaluarpog.

Siunnersuutip peqatigitillugu kingunerissavaa Inatsisartut Inatsisaanni malittarisassat atuisunut siunnersuisoqatigiinnut tunngasut atorunnaarnissaat. Malittarisassat pineqartut tamarmik § 33-mi ilanngunneqarsimapput, taamaammallu atorunnaassallutik. Soorlu inatsisit atuuttut pillugit immikkoortumi 2.1-imi siulianiittumi taaneqareersoq siunertaq, toqqaasarneq, inassuteqartarneq, piffissaq atuuffissaq, piginnaasanut piimasaqaatit, allattoqarfimmi ikiorteqarnissaaq aammalu angalanernut atatillugu angalanermut aningaasartuutit akilernissaat ullormusiallu tigunissaat pillugit apeqqut pineqarpoq.

Tv-kkut upperisassiornikkut naalakkersuinikkullu isummanut pilersaarisarneq inerteqqutaammat siunnersuummi aamma aalajangersagaavoq. Soorlu aalajangersakkamut nassuiaatini aamma atuarneqarsinnaasoq pisarneq malillugu tv-qarfik taannaassaaq aalajangersakkanik aqutsisussaaq, tassungalu atatillugu nalilersuilluareernikkut upperisarsiornikkut naalakkersuinikkulluuniit isummanut pilersaarineq ilumut pineqarnersoq aalajangiisartuussaaq.

Kiisalu siunnersuummi § 2, imm. 1-imi takuneqarsinnaavoq siunnersuut ullormi 1. januar 2023 atuutilissasoq.

## 3. Pisortanut aningaasaqarnikkut allaffissornikkullu kingunerisassai

Atuisunut Siunnersuisoqatigiit ataatsimiittarnerannut aningaasartuutit KNR-imut ingerlatsinermut aningaasaliissutaasut aqputigalugit aningaasalersugaapput, suliffeqarfillu siunertamut tassunga 140.000 kr.-nit missaannik missingersuuteqarluni nalinginnaasumik sulisarpoq. Ukiunili kingullerni ataatsimiinnerit ikippallaarsimanerat tunngavigalugu tamanna piviusunngunngitsoorsimavoq. Tamanna aamma KNR-ip siunnersuisoqatigiinnut allattoqartitsinissamik pisussaaffianut tunngatillugu atuuppoq. KNR tassunga atatillugu

siunnersuummi § 1, imm. oqaaseqaatit siullermi suliassat taaneqartut naammassiniartarnissaat siunertaralugu nukissanik taaneqartunik atuisinnaasussaavoq.

**4. Inuussutissarsiortunut aningaasaqarnikkut allaffissornikkullu kingunerisassai**

Siunnersuutip inuussutissarsiutilinnut sunniuteqarnissaa ilimagineqanngilaq.

**5. Avatangiisinut, pinngortitamut inuillu peqqissusaannut kingunerisinnaasai**

Siunnersuut avatangiisinut pinngortitamullu sunniuteqassanngilaq.

**6. Innuttaasunut kingunerisinnaasai**

Siunnersuut KNR-ip aallakaatitassiortarneranut kissaatinut tunngatillugu KNI-ip innuttaasullu akornanni oqaloqateqarnerunermik qulakkeerinnissasoq ilimagineqarpoq.

**7. Kingunerisinnaasai pingaarnerit allat**

Inatsisissatut siunnersuut allatigut pingaarutilinnik kinguneqassanngilaq.

**8. Pisortanik aamma kattuffinnik il.il. tusarniaaneq**

Siunnersuut piffissami 13. april 2022-miit 11. maj 2022 tikillugu tusarniutigineqarsimavoq.

Tusarniaaneq pillugu ilanngussa 2 innersuussutigineqarpoq.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

Aalajangersagaq Inatsisartut inatsisaanni atuuttumi § 26-ip allanneqarneranik allanngortitsineruvoq.

Aalajangersakkami soqutigisallit attuumassutillit ilanngunneqarput, tassanilu KNR-ip oqartussanut, suliffeqarfinnut il.il. suliatigut ilisimasalinnut § 26-imi aalajangersakkanut taaneqartunut tunngatillugu soqutiginaateqarsinnaasunut oqaloqateqartarnissamik pisussaaffilernissaa siunertarineqarpoq. Tassaasinnaapput pisinnaatitaaffinnut suliallit, soorlu tamakkununga illersuisut imaluunniit soqutigisallit oqaatsinut immikkut ilisimasallit.

Aalajangersakkami suliassamut aalajangersakkami taaneqartumut tunngatillugu KNR pisussaaffilerneqarpoq, kisiannili oqaloqatigiinneq qanoq isillugu qulakkeerneqassanersoq pineqarnani. KNR taamaasilluni tassunga periuserineqartussanik toqqaasinnaavoq.

Tamatuma saniatigut artikeli aalajangerneqanngitsoq aalajangersakkami "oqaloqatigiinnerup" siulianiittoq atorunnaarpoq, tassanilu oqaloqatigiinneq immikkorluinnaq ittoq anguniarneqanngimmat, kisiannili ataavartumik oqaloqatigiissinnaaneq anguniarneqarmat erseqqissarniarneqarpoq.

Soorlu nassuiaatini nalinginnaasuni erseqqissarneqartuni takuneqarsinnaasooq KNR-ip pisussaaffinnik inatsisitigut aalajangersagaasunik aalajangersimasunik eqqortitsisarnissaa oqaloqatigiinnermi pingaarnertut pineqartussaavoq aammalu suliffeqarfiup pisussaaffinnik tamakkiisumik naammassinninniartarnissaanut pisariaqartinneqartunik ilisimasanik qaqugukkulluunniit pigisaqartarnissaa qulakkeerlugu. Tamanna assersuutigalugu atuisunut oqallittarfiit atuisunillu misissuinerit pilersinnerisigut pisinnaavoq.

Nr. 2-mut

Atuisunut Siunnersuisoqatigiit pillugit malittarisassat aalajangersakkatigut atorunnaarsinneqarput. Tassunga atatillugu tamanna pillugu nassuiaatini nalinginnaasuni erseqqissaatigineqartut innersuussutigineqarput, tassani siunnersuummi imm. 1 nangillugu Atuisunut Siunnersuisoqatigiit siunnersuisarfiusut atorunnaarnerat pillugu § 33-imi erseqqissarneqarmat.

Nr. 3-mut

Aalajangersakkami tv-kkut upperisarsiornikkut naalackersuinikkullu isummanut pilerisaaruteqarnissamut erseqqissumik inerteqquteqartitsineq atuutissasoq aalajangersakkami isumaavoq. Pisarneq malillugu tv-qarfik taannaassaaq aalajangersakkanik aqutsisussaq,

tassungalu atatillugu nalilersuilluareernikkut upperisarsiornikkut naalackersuinikkulluunniit isummanut pilerisaarineq ilumut pineqarnersoq aalajangiisartussaq. Matumani suliap pineqartup inatsisitigut naliliiffiginera aallaavigalugu inatsisitigut aalajangiineq pineqarpoq.

Upperisarsiornikkut isummanut pilerisaarinerni oqariartuutit nalinginnaasut pineqarput, taakkulu upperisamut aalajangersimasunut isiginninnerup siuarsarnissaanut, soorlu upperisap pineqartup pitsaasumik oqaluttuarineratigut, pisinnaapput, tamakkulu allanneqartut ilisarnaatillu aqputigalugit pisinnaapput. Aalajangersakkami tassunga atatillugu aamma upperisat aalajangersimasut isorineqarnerat pineqarsinnaavoq.

Politikikkut isummernerit imatut paasineqassapput, inuiaqatigiit qanoq aaqqissuunneqarnissaannik aamma suliassa qarfinni aalajangersimasuni qanoq aalajangersaasoqarnissaannik isummat oqaaseqartarnerillu, tassunga ilanngullugit nalilinnik agguataarinernut tunngasut. Kingullertut taaneqartumi assersuutigalugu pinngortitami pisuussutit, avatangiisinut akileraartarnermullu tunngasut, suaassutsimut naalackersuinikkut sammisat, agguataarisarnikkut naalackersuinikkullu pingaartitanut isummersuutit il.il. pineqarsinnaapput. Tassani sulinermi tv-kkut pilerisaarisarnerit assersuutaasinnaapput, matumani isiginnaartut suliassa qarfimmi aalajangersimasumi aalajangersimasumik politikeqarnissap pisariaqartinneqarneranik ilisimatinneqartussaallutik, soorlu suliassa qarfimmi pineqartumi politikip ingerlanneqartup isornartorsiorneqarsinnaanera.

Tamatuma saniatigut matumani nassuernerit pineqarsinnaapput, taakkulu massakkut naalackersuinikkut oqallinnermi akulerutsitsiniarnermi aammalu inuiaqatigiinni tunngasunut aalajangersimasunut tunngatillugu isumaqatigiinngitsornerani isummat aalajangersimasut siuarsarniarneqarsinnaapput nersorniarneqarsinnaallutillu. Tv-kkut pilerisaarinert tassunga atatillugu oqaatsinik akerliusunik isumaqataasunillu imaqarsinnaapput peqataasut arlaanni soqutigisanik siuarsaasunik, taamaaliornikkullu tv-kkut pilerisaarineq politikikkut isumaqatigiinnginnermi aalajangersimasumi arlaatigut isummamik ilanngussinertut isigineqarsinnaammat.

Aammattaaq nassuiaatini nalinginnaasuni aalajangersakkat pillugit erseqqissaatigineqartut innersuussutigineqarput.

## *§ 2-mut*

Aalajangersakkami siunnersuutip atuutilerfissaa allanneqarpoq.

Atuisunut Siunnersuisoqatigiinnut atuuffiup naanerata kinguinngua inatsisip atortuulersinnissaa siunertaralugu piffissaq atuutilerfiusussaq 1. januar 2023-mut aalajangerneqarpoq.

<b>Siunnersuut inatsimmut atuuttumut sanilliullugu</b>	
<i>Oqaasertaliunneqartut atuuttut</i>	<i>Inatsisissatut siunnersuut</i>
	<b>§ 1</b>  Radiukkut tv-kkullu aallakaatitsisarneq pillugu Inatsisartut Inatsisaanni nr. 7, 8. juni 2014-imeersumi makkuninnga allanngortitsisoqarpoq:
<b>§ 26.</b> Innuttaasut aallakaatitsineq pillugu tusarniarneqartarnissaat KNR-ip qulakkiissavaa.	<b>1. § 26</b> imatut oqaasertalerneqassaaq: ” <b>§ 26.</b> KNR aallakaatitassaliortarneq pillugu innuttaasunik soqutigisalinnillu attuumassutilinnik oqaloqateqartarnermik qulakkeerinnissaaq, pingaartumik KNR qanoq ililluni §§ 20 aamma 24 naapertorlugit pisussaaffimminik eqqortitsisinnaanersoq pillugu.”
<b>§ 33.</b> Naalakkersuisut Atuisut Siunnersuisoqatigiivinik pilersitsissapput KNR-ip aallakaatitassiornermini anguniagai suliassaalu, inatsimmi aalajangersarneqarsimasut, KNR-ip qanoq ililluni pitsaanerpaamik isumaginnissinnaaneriniq KNR-ip siulersuisuinut siunnersuisussanik. Atuisut Siunnersuisoqatigiivi ukiut sisamakkaarlugit pilersinneqartassapput, siullermik 1. august 2014-imiit 31. december 2018-imut. <i>Imm.</i> 2. Atuisut siunnersuisoqatigiiffianni qulingiluanik ilaasortaqaartumi ilaasortat ukunannga innersuussisoqarneratigut Naalakkersuisunit toqqarneqartassapput: 1) Meeqqat illersuisuat, ilaasortassamik ataatsimik innersuussisussaq. 2) Oqaasileriffik, ilaasortassamik ataatsimik innersuussisussaq. 3) Kalaallit Nunaanni eqqumiitsuliortut kulturimillu ingerlatsisut nuna tamakkerlugu kattuffiat ilaasortassamik ataatsimik innersuussisussaq. 4) Innarluutillit nuna tamakkerlugu kattuffiat	<b>2. § 33</b> atorunnaarpoq.

ilaasortassamik ataatsimik

innersuussisussaq.

5) Kalaallit Nunaanni tusarnaartartut

isiginnaartartullu nuna tamakkerlugu

kattuffiat ilaasortassamik ataatsimik

innersuussisussaq.

6) Radioqarfiit tv-qarfiillu nuna

tamakkerlugu kattuffiat ilaasortassamik

ataatsimik innersuussisussaq.

7) Ilisimatusarfik ilaasortassamik ataatsimik

innersuussisussaq.

8) Nunaqarfiit Nuna Tamakkerlugu

Peqatigiiffiat ilaasortassamik ataatsimik

innersuussisussaq.

9) Kalaallit Nunaanni Utoqqaat

Peqatigiiffiat ilaasortassamik ataatsimik

innersuussisussaq.

*Imm. 3. Inassuteqarsinnaatitaasut imm. 2-*

*mi taaneqartut arlaannit*

*inassuteqartoqarsinnaanngippat*

*Naalakkersuisut ilaasortassamik*

*toqqaasinnaapput, toqqaasinnaatitaasup*

*susassaqarfiata iluani atuisut soqutigisaannik*

*sinniisuusinnaasumik.*

*Imm. 4. Atuisut Siunnersuisoqatigiivini*

*ilaasortat Kalaallit Nunaanni*

*najugaqavissuussapput aammalu*

*Inatsisartunut, kommunalbestyrelsimut*

*Folketingimullu ilaasortaassanatik*

*taakkunungaluunniit*

*qinigassanngortittuussanatik imaluunniit*

*KNR-ip siulersuisuinut ilaasortaassanatik*

*kiisalu KNR-imi imaluunniit sumiiffinni*

*radioqarfinni tv-qarfinnilu atorfiliussanatik.*

*Imm. 5. KNR Atuisut*

*Siunnersuisoqatigiivinut allattuutitaqassaaq.*

*Imm. 6. Atuisut Siunnersuisoqatigiivini*

*suleriaasissami malittarisassat*

*Naalakkersuisut aalajangersassavaat.*

*Imm. 7. Atuisut Siunnersuisoqatigiivinut*

*ilaasortat siunnersuisoqatigiit*

*ataatsimiinnissaannut peqataaniarlutik*

<p>najukkaminnit aallartariaqartut ullormusiaqartinneqassapput angalanerminnullu akiliunneqarlutik malittarisassat Inatsisartunut, Naalackersuisunut il.il. ilaasortat akiliunneqartarnerinik il.il. Inatsisartut Inatsisaanni kapitali 7-imiittut malillugit.</p>	
<p><i>Imm. 2.</i> Taamatuttaaq upperisarsioqatigiinnut politikikkut partiinut, kattusseqatigiinnut kisimiillutillu qinigassanngortittunut imaluunniit taakkununga atallutik suleqatigiinnut pilerisaaruteqaqqusaanngilaq, taamaattoq imm. 3 takuuk.</p>	<p>3. § 46, imm. 2, imatut oqaasertalerneqassaaq: "Imm. 2. Tv-kkut upperisarsioqatigiit naalackersuinikkullu partiit, upperisarsiornikkut naalackersuinikkullu isiginnittariaatsit, kattusseqatigiit aamma kisimiillutik qinigassanngortittut imaluunniit taakkunani suleqatigiiffiit aamma pilerisaarutigeqqusaanngillat, taamaattoq takuuk imm. 3."</p>
	<p style="text-align: center;"><b>§ 2</b></p> <p>Inatsisartut inatsisaat ullormi 1. januar 2023 atuutilissaaq.</p>

**Tusarniaanermut allakkiaq**

Inatsisissatut siunnersuut piffissami 13. april 2022-miit 11. maj 2022 tikillugu ukununnga tusarniaassutigineqarpoq:

Sulisitsisut (GE)

SIK

Kommune Kujalleq

Kommuneqarfik Sermersooq

Qeqqata kommunia

Avannaata Kommunia,

Kommune Qeqertalik

Nuuk Internationale Friskole

NUSUKA

Ilisimatusarfik

TP Kalaallit Nunaanni Tusagassiortut Peqatigiiffiat

NTK

Sermitsiaq AG

KNR

Oqaasileriffik

Tilioq

KANUNUPE

MIO

Kalaallit Nunaanni Utoqqaat Peqatigiiffiat

KIMIK

Eqqumiitsuliornikkut Pinngortitsisut Ingerlatsisullu

Katuaq

Kalaallit Nunaanni Timersoqatigiit Kattuffiat

Elite Sport Greenland

Inuk Media

Tele Greenland

Inuit Pisinnaatitaaffii pillugit Siunnersuisoqatigiit

Tusarniaanermut piffissaliussap naanerani tusarniaanermut akissutit ikittuinnaat tiguneqarsimapput, taakkulu tusarniaaffigineqartunit ukunanngaaneersuupput:

KNR, [Oqaasileriffik](#), Dansk Journalistforbund aamma Tusagassiuinermi Sulisut Peqatigiiffiat aamma Kommune Kujalleq. Kommune Kujalleq siunnersuummut oqaaseqaatissaqanngilaq.

KNR aallarniutigalugu Inatsisartut inatsisaanni § 26-mut § 33-mullu atuuttunut inatsimmi allanngortitsisoqarnissaanut isumaqataalluinnarluni erseqqissaateqarpoq, taamaasilluni

Atuisunut Siunnersuisoqatigiit aallakaatitassiortarneq pillugu innuttaasunik soqutigisalinnillu attuumassutilinnik oqaloqateqartarnissamut KNR-p qulakkeerinnittarnissaanik taarserneqarlutik. § 46, imm. 2-p allanngortinneranut tunngatillugu assinganik atuutsitsisoqarpoq, tamatumalu kingorna tv-kkut naalakkersuinikkut upperisarsiornikkullu isiginneriaatsinut pilerisaarissoqarsinnaannginnera pillugu malittarisassat eqqunneqaqqissallutik.

Kiisalu aamma tusarniaanermi akissutit ilanngunneqarput tiguneqartut Dansk Journalistforbund-imiit aamma Tusagassiuinermi Sulisut Peqatigiiffiat, ilaliisinnaasut § 26- imik oqaasertaliineq pillugu. Peqatigiiffiilli taamaattoq inassutigaat KNR inatsimmi allannguineramik atuinermi Danmarks Radiup atuisunik isumasiortagaqarneranik isumassarsiorfeqartassasoq, kiisalu aamma isiginnaartartunik peqataatitsisarnermik TV2 Danmark-imi aammalu TV2-ip nunap immikkoortuini ingerlatsiviineersunik. Kiisalu peqatigiiffiit erseqqissaatigaat KNR-ip aallakaatitassianik neqeroorutinimi amerlanerussuteqartut kissaataannik taamaallaat aallaaveqartassanngitsoq, ilaatigullu innersuullugu naalakkersuinermik suliaqartunit akuleruffigineqartannginnissamik ileqqoq.

Kiisalu aamma nalunaarneqarpoq peqatigiiffiit siunnersuummi nr. 3-mut oqaaseqaatissaqanngitsut, tv-mi naalakkersuinermik upperisamillu tunngavilinnik ussassaarisinnaanermik inerteqquneqarneq.

Tassunga atatillugu tusarniaanermut akissutinut allakkiaq tullinnguuttuniittoq innersuussutigineqarpoq, tassaniippullu tusarniaanermut akissutit suliarineqarnerat oqaaseqarfiginerallu.

	Tusarniaavigi- neqartoq	Oqaaseqaatit	Oqaaseqaatigineqartumut oqaaseqaatit
1	Kommune Kujalleq	Kommune Kujalleq missingersuummut oqaaseqaatissaqanngilaq	Oqaaseqaatit siunnersuummi allannguinnissamik kinguneqarsimanngillat.
2	KNR	KNR §§ 26 aamma 33 kiisalu § 43, imm. 2 pillugit allannguutissatut siunnersuutinut aallaaviatigut isumaqataalluinnarpoq.	Oqaaseqaatit siunnersuummi allannguinnissamik kinguneqarsimanngillat.  Aammattaaq § 43, imm. 2-mut innersuussuteqarnermi § 46, imm. 2 pineqarsimassaaq.
2.1	KNR	Tullinnguullugu § 46, imm. 2-p allanngortinneranut KNR aamma isumaqataavoq, tamatumalu	Oqaaseqaatit siunnersuummi allannguinnissamik kinguneqarsimanngillat.

		kingorna tv-kkut naalackersuinikkut upperisarsiornikkullu isiginneriaatsinut pilersaarisooqarsinnaannginn era pillugu malittarisassat eqqunneqaqqissallutik.	
2.2	KNR	Ilaasortat tamakkerlugit katersuutsittarnerat imaluunnit ilaasortani amerlanerussuteqartut ataatsimiitsinniartarnerat assut ajornartarsimavoq, soorluttaarlu pissarsiarineqartut suunngingajattarsimasut.	Oqaaseqaatit siunnersuummi allannguissamik kinguneqarsimanngillat.
2.3	KNR	Atuisunut Siunnersuisoqatigiit katitigaanerat assut equngavoq, tassami ilaasortat amerlanersaat tusarnaartartunut isiginnaartartunullu utoqqaanerusunut sinniisuummata. Tamanna aamma siunnersuisoqatigiinniit kissaataasut raadiukkut tv- kkullu aallakaatitassianik utoqqaanerusunut sammititanik sunnerneqarsimanerannik takussutissaqalersimavoq.	Oqaaseqaatit siunnersuummi allannguissamik kinguneqarsimanngillat.
2.4	KNR	Suleqatigiiffiit toqqarneqarsimasut Atuisunut Siunnersuisoqatigiit ataatsimiinnerannut peqataarusuttarsimanngillat, taamaammallu ataatsimiinnernut	Oqaaseqaatit siunnersuummi allannguissamik kinguneqarsimanngillat.

		takkutinngisaannarsimallutik.	
2.5	KNR	Atuisunut Siunnersuisoqatigiit aallakaatitassarineqartartut assigiinngitsut imarisaannut nalilersuiniarlutik nukippassuarnik atuisarsimapput. Tamanna aamma siunnersuisoqatigiit suliassaat kiisalu siulersuisut suliassaat naapertorlugit unamminartoqalerpoq, tassani siulersuisut aallakaatitassiarineqartut imarisassaannut akuleruttussaannngimmata.	Oqaaseqaatit siunnersuummi allannguissamik kinguneqarsimannngillat.  Tassunga atatillugu ilanngullugu oqaatigineqassaaq Atuisunut Siunnersuisoqatigiit imaluunniit siulersuisut KNR-ip aallakaatitassiortarnerani imaritinneqartunut akuleruttussaannnginnerat.
2.6.	KNR	Atuisunut Siunnersuisoqatigiit nalilersuineri kingumoortuupput qaammatinik arlalinnik kinguaattoorfiusimasut. Atuisut oqallittarfiat sukkanerujussuarmik qisuariarsinnaavoq, soorluttaarlu KNR-p siulersuisui, taamaasillutillu aqutsisui, paasisassanut oqallittarfimmi pissarsiarineqartunut sukkanerujussuarmik iluaquteqarsinnaassallutik. Taamaaliornikkut paasisassat piviusunik tunngaveqarsinnaassapput misigissutsinillu imaluunniit oqallittarfinni isummanik pilersitsiffiusunik allanik, soorlu qarasaasiakkut inuit	Oqaaseqaatit siunnersuummi allannguissamik kinguneqarsimannngillat.

		naapittarfiit aqputigalugit, tunngaveqartussaananik.	
2.7	KNR	Atuisunut oqallittarfiit atornerisigut KNR-p siulersuisui assersuutigalugu paasissutissat nutaat tunngavigalugit tusarnaartartut isiginnaartartullu qanoq isumaqarnerannut sukkanerujussuarmik takussutissaqalersinnaassaput.	Oqaaseqaatit siunnersuummi allannguissamik kinguneqarsimanngillat.
2.8	KNR	Atuisunut oqallittarfiit arlalinnik ilaasortaqaarsinnaavoq, akerlianilli atuisunut siunnersuisoqatigiinnut tunngatillugu siulersuisunut qarasaasiakkut piaartumillu saaffiginnissinnaapput, matumani tullermik ataatsimiinnissaq utaqqinngikkaluarlugu isumassarsianik allanillu siulersuisunut saqqummiussaqaarusussimagunik. Isiginnaartartunut naalaartartunullu misissuinerit ikinnerpaamik 4-t atorreqassapput, soorluttaarlu KNR-i ukiumoortumik misissuisarnissanik amerlanernik periarfissaqassasoq atuisut oqallittarfiisa qulaajaaffigisassatut kissaatigisinnaasaannik. Taamaaliornikkut piviusunik tunngaveqarluni	Oqaaseqaatit siunnersuummi allannguissamik kinguneqarsimanngillat.

		takussutissaqalersinnaassamat.	
2.9		<p>§ 46, imm. 2-mi allannguisoqarneranut tunngatillugu assersuutigalugu NGO-t naalakkersuinikkut isummertartut isummaminnik pilerisaarisarnissaat KNR-p pinngitsoortissinnaassavaa, soorlu partiit imaluunniit NGO-t aningaasaateqarluartut qaqugukkulluunniit isummaminnik aalajangiusimasaminnillu pilerisaarisinnaasimatillugit, taamaasillutillu naalakkersuinikkut isummensoriaatsinut sunniiniarsimatillugit.</p>	<p>Oqaaseqaatit siunnersuummi allannguissamik kinguneqarsimanngillat.</p> <p>Ilanngullugulu malugeqquneqarpoq qinersinermut aallakaatitassianik taaneqartunik aallakaatitsisarneq periarfissaajuassamat, qinersinermut aallakaatitassiami ilanngussassat naalakkersuinikkut partiimit suliarineqartut akilerneqartullu ilanngunneqarsinnaassallutik, takuuk Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 8, 5. Jul i 2006-imeersumi § 17, imm. 3.</p>
3	Oqaasileriffik	Atuisartoqarnermut siunnersuisoqatigiit naalaartartut isiginnaartartullu sunniuteqarnissaannut periarfissaasoq iluatissimanngilaq.	<p>Oqaaseqaatit siunnersuummi allannguissamik kinguneqarsimanngillat.</p> <p>Siunnersuummi allannguutissamik siunnersuuteqartoqanngilaq.</p>
3.1	Oqaasileriffik	Inatsimmik allannguutissatut siunnersuummi eqqaaneqarpoq KNR Atuisartoqarnermut siunnersuisoqatigiinnut taarsiullugu innuttaasunik soqutigisaqartunillu matumani naleqquttunik oqaloqateqartassasoq, aallakaatitassanik pilersaarusiortarnermut atatillugu, (allannguutissatut	Aallarniutigalugu oqaatigineqassaaq matumani pineqarmat "pisussaaffik". Taamaasilluni oqaasertaliussami aalajangersakkap oqaasertaani nassuiaatini namminerni ersippoq, aalajangersakkami KNR pisussaaffilerneqartoq ingerlaavartumik innuttaasunik soqutigisalinnillu allanik naleqquttunik oqaloqateqartarnissamik,

		<p>siunnersuut § 26-imut), kisiannili ersarinnerusumik allaaserineqarani oqaloqateqartarnej pineqartoq qanoq aaqqissuunneqartassanersoq, tamannalu KNR-p nammineq ilusilersussagaa.</p> <p>Siunnersuummi ersarinnerusinnaavoq pineqartoq pissaaffik, ersarinnerusumillu allaaserineqarsinnaalluni oqaloqateqartarnej qanoq ittoq eqqarsaatigineqarner-soq, innuttaasunut tunngatillugu ingerlanneqartartus-saq, Atuisartoqarnermut Siunnersuisoqatigiit taarserneqassappata pissaaffim-mik, qanoq tusarnaartartut allatigut sunniuteqartarsinnaanermikk atuisarsinnaanersut.</p>	<p>aallakaatitassioqarnermut atatillugu.</p> <p>Kiisalu siunnersuummut nassuiaatini erseqqissarneqarsimavoq nr. 1-imut atatillugu pissaaffik naammassineqartarsinnaasoq assersuutigalugu atuisartunik ataatsimiinnikkut isumasioqatigiissitsisarnikkut misissuititsisarnertigullu.</p> <p>Kiisalu aamma siunnersuummut nassuiaatitut oqaaseqaatini ersippoq oqaloqatigiissitsisarneq minnerunngitsumik sammitinneqartassasoq KNR-ip inatsimmi aalajangersagaasunik pissaaffiit, qularnaarumallugu ingerlatsiviup sukkulluunniit ilisimasassat pisariaqartut pigigai, ingerlatsiviup pissaaffiisa naammassisinnaanerinut atatillugu.</p> <p>KNR-ip ingerlatsivittut namminersortitatut inissisimaneraniit nutaarsiassaleriffittullu inissisimaneraniit aammalu naalakkersuinnermit suliaqartunit akuliuffigineqartartussaannginermik ileqqusooq tunngavigalugu tamatumunnga atatillugu isiginiarneqartassasoq ingerlatsiviup namminerisaminik aaqqissuuttassagaa pissaaffimmi qanoq naammassineqartarnissaat.</p>
3.2	Oqaasileriffik	Oqaasileriffik kaammattuivoq Naalakkersuisoqarfiup	Allaffissornikkut ingerlatsivimmik nutaamik ilassutitut pilersitsineq

	<p>isumaliutigissagaa aaqqiissutissaq alla, assersuutigalugu atorfirmik immikkoortumik pilersitsinikkut, innuttaasunik soqutigisaqartunillu naleqquttunik allanik isumasioqateqartarnermik eqquassinissamut taarsiullugu.</p> <p>Atorfik taanna toqqaannartumik KNR-imut ingerlatsivimmulluunniit allamut aallakaatitsisarnermut akuersissummik pigisaqartumut atasuussangilaq, aaqqisuussaankulluunniit, kisiannili toqqaannartumik naalaartartunut isiginnaartarnullu atasuussalluni.</p> <p>Aaqqisuussinermi tassani suliarineqartassapput siunnersuutit, isornartorsiunerit aamma naqqiutissat tusagassiornikkut ileqqussanut atatillugu raadiumi tv-milu aallakaatitassiortarnermi, kiisalu ulluinnarni sulinermini tamat ammaffigissallugit.</p> <p>Atorfirmik taama ittumik pilersitsinikkut KNR aallakaatitsisarnermilu akuersissutinik pigisaqartut allat toqqaannartumik atuisartuniit allagarsisarunnaassapput, pisariaqassangilarlu oqaloqatigiittarneq KNR-ip</p>	<p>oqaaseqaatini siunnersuutigineqartutut ittoq sanioqqutsinerussaaq siunnersuutaasumik nutaarsiassalerinermik ingerlatsiviit tunngaviatigut aalajangiinernik qitiusumik ingerlatsisuusarnissaannik, ingerlatsiviullu nammineq tamanna pisussaaffigissagaa, avataani immikkut soqutigisanut atassuteqanngitsumik.</p> <p>Aaqqisuussineq siunnersuutigineqartoq aammattaaq akulerutissagaluarpoq piginnaanernut malittarisassani kapitali 7-imi Inatsisartut inatsisaanni nr. 17, 19. november 2007-imeersumi tusagassiorfinnut akisussaassuseqarneq pillugu Inatsisartut inatsisaanni aalajangersakkanut, tusagassiornermut akisussaaffiup Kalaallit Nunaanni tusagassiutit pillugit aalajangiisartunut suliassaatinneqarnera pillugu.</p>
--	--	--

		<p>inuttaasut soqutigisaqartullu allat naleqquttut akornanni, piffissarlu sipaarneqarsinna-voq siunertanut taakkununga atorneqartaraluartoq. Neriutigaarput aaqqiissutissat allat isumaliutigineqarnissaat Atuisartoqarnermik siunnersuisoqatigiinnik atorunnaarsitsinermut atatillugu, § 26-imut allannguutissatut siunnersuummut.</p>	
4	<p>Dansk Journalistforbundet aamma Tusagassiuinermi Sulisut Peqatigiiffiat</p>	<p>Peqatigiiffiup ilalerpaa § 26-imik oqaasertaliineq. Taamaattoq peqatigiiffiup inassutigiumavaa KNR inatsimmik allanguinermi isumassarsiorumaartoq Danmarks Radio-p atuisartunik isumasiortagaqarneranik, isiginnaartartunillu isumasiuisarneranik, Danmark-imi TV2-mi taassumalu immikkoortortaqarfiini ingerlanneqartartunik aamma.</p>	<p>Oqaaseqaatit siunnersuummi allannguissamik kinguneqarsimanngillat.</p>
4.1	<p>Dansk Journalistforbundet aamma Tusagassiuinermi Sulisut Peqatigiiffiat</p>	<p>KNR-ip aallakaatitanik neqeroorutai taamaallaat amerlanerussuteqartut kissaataannik tungaveqassanngilaq, ilaatigullu pisortanit akuleruffigineqannginnissamik ileqqoq innersuunneqarpoq.</p>	<p>Oqaaseqaatit siunnersuummi allannguissamik kinguneqarsimanngillat.</p>

4.2	<p>Dansk Journalistforbu nd aamma</p> <p>Tusagassiuiner mi Sulisut Peqatigiiffiat</p>	<p>Peqatigiiffiit siunnersuummi nr. 3-mut oqaaseqaateqanngillat, naalakkersuinikkut upperisarsiornikkullu ussassaarisinnaanermik inerteqquteqarneq pillugu.</p>	<p>Oqaaseqaatit siunnersuummi allannguissamik kinguneqarsimanngillat.</p>
-----	---	---	---